



Сандалыкым Юмо ыштен да Шкеж нерген палдарен

Түняште чылажат шке лийын манмылан ұшанаш лиеш мо? Чапле пөрт шкенжым шке чоҥен кертеш мо? Сандалыкын шке Пұрышыжө уло, марлаже ме Тудым Юмо манына. Юмо мыланна кок öрыктарыше книгам пөлеклен. Ик книгаже – пүртүс, йыр улшо түня. Юмын вийжым да ушакылжым тудо воштончыш гай ончыкта. Вес книгаже – Библий, тушто Юмын эрыкше почылтын.

Юмым шинча дене ужаш

ок лий. Шоналташ гын, ушым да чон шижмашым ужаш лиеш мо? Кузе мемнан ушнам ужаш ок лий, Түням ыштыше Юмымат тугак ужаш ок лий. Түняште Тудын мом ыштымыжым ужын кертына: пүртүсым, волгыдо эрым, йүран але кечан кечым. Тидым ужмылан, тыште илыме куан верчме Юмылан таум ыштена. Юмын түняжым ны авалташ, ны висаш, ны шотлен лукташ ок лий. Чыла тидым Юмо Шке гына пала.

Каваште да мландыште мом ужына, чылажымат Тудо ег-влакклан пайдаланаш да куанен илаш пуэн. Меат айдемым мучашдымын йӱратыше Юмын законжо почеш илышаш улына. Тунам чылашт дене келшен да куанен илаш тӱнгалына. Тиде куан нигунам да нигушто ок кӱрылт, тудым нигӱ поген налын ок керт, вет Юмо Шкеак мемнан дене пырля лиеш.

Шке законжо почеш илаш Юмо мемнам виеш ок тарате. Тудын шӱдымашыжым шке кумылын шуктышаш улына. Чоннам Тудо Шкенжын гайым ыштен, мыланна эрыкым пуэн. Айдеме тиде эры-

кым южгунам уда пашалан кучылтеш. Тыгай ег шкаланже шке тушман лиеш, но Юмо кажне егын вашталтмышым чытенак вуча.

Библийын тӱн ужашыже Евангелий маналтеш. Тиде грек мут «Поро Увер» манмым ончыкта, тудо Юмын уло тӱням да чыла егым йӱратымыж нерген каласкала. Юмо мемнам чыла осал деч утарен кертеш. Ег-влак дене ужын мутланаш Тудо икана Шке толын. Тиде – Христос! Христосым але Тудын тунемшыже-влакым палыше ег-влак Евангелийым возенят. Меат Юмын икшывыже улына да мландымбаке молан толмынам палышаш улына.



Юмым йөраташ, Тудын деке лишемаш, вара Юмын Пылпомыш Кугыжаныштыже пырля лияш манын, Тудын святой эрыкшым шуктен шогаш күлеш.

ЮМО МОМ ШОНЫ-МЫЖЫМ ЧЫЛА ЫШТЕН КЕРТЕШ. Тудо, нимо уке гыч, ик Шке Мутшо дене уло тўням ыштен. Юмо эн Кугу, Тудлан шушо ны мландымбалне, ны Пылпомышто уке. Ме шке ушна дене Тудым пален она керт. Юмо Шкеж нерген Шке ок поч гын, Тудын нерген нимом она пале ыле. Мом палымынам Юмо чыла Шке почын. Тудо Адам ден Евам ыштен, вара райыште нунын дене Шке мутланен. Тўням ыштымыж нерген, ик чын Юмылан ўшанаш күлмө да Тудын эрыкшым шуктымо нерген палдарен. Юмын туныктымыжым ончыч тукым гыч тукымыш каласкаленыт, вара Библийым – Священный Книгам – возеныт.

Жап шумек, Юмын Эргыже, Иисус Христос, мландымбаке толын, Юмо нерген мом палаш күлмым ен-влаклан Шке ойлен. Тудын мландымбалне улмыж годым Ача, Эрге да Святой Шўлыш – тиде курым-курымаш йөратымаште улшо ик Юмо улмаш икмыняр



гана почылтын. Юмо – тиде мучашдыме йөратымаш. Славян-влакым туныктышо святой Кирилл тидын нерген тыге умылтарен: «Каваште кечым ужыда, тудын деч эреак волгыдо шочеш да шокшо лектеш. Ача Юмо тўнгалтышдыме да мучашдыме кече гай. Тудын деч Эрге Юмо курымак шочын шога да Святой Шўлыш кечыйол семын лектеш. Ме каваште кечым ужына, волгыдыжым да шокшыжым шижына, но тиде кум кече огыл, а икте. Кузе кече деч волгыдым да шокшым ойыраш огеш лий, тугак Ача Юмо деч Эрге Юмым да Святой Шўлышым ойыраш огеш лий. Нуно Святой Троицын кум тўсшө улыт – тиде ойырлыдымо ик Юмо».



ЮМО ШКЕЖ НЕРГЕН,
ЭН СВЯТОЙ ТРОИЦЕ
НЕРГЕН, КУГУ ТАЙНЫМ
ПОЧЫН. Тидым ме уш дене
умылен да мут дене умыл-
тарен она керт, а шўм дене
шижын, чон дене умылен
кертына.

Юмын капдыме да шинча
дене ужаш лийдыме Шўлыш
улмыж нерген Юмо мылан-
на Шке почын: **«Юмо – тиде
Шўлыш, садлан Тудлан кумал-
ше-влак шўлыш дене да чын
дене кумалшаш улыт» (Ин.
4,24).** Юмын мемнан гай
капше, коваштыже да лужо
уке. Тидым умылаш манын,
ик примерым кондена. Теве
ме южым она уж, но тудын
кугу вийже дене мардеж-
вакш-влак пашам ыштат,
тенгызыште корабль-шамыч
коштын кертят, электри-
чеством ыштен луктыт. Ме

шкежат юж деч посна илен
она керт. Тыгак ме Юмым
она уж, но Тудын мом ышты-
мыжым, уш-акылжым, вий-
жым тўняште чыла вере
ужына да шижына.

Моисейлан Юмо тыге ка-
ласен: **«Айдеме Мыйым ужеш
гын, ылыше кодын ок керт»
(Исх. 33,20).** Юмын пўрымө
кечын волгыдыжым ончен,
ме сокыр лийын кертына.
Кечым пўрышө Юмын вий-
же нерген тунам мом ой-
лаш?

ЮМО КУРЫМАШ. **«Ку-
рык-шамыч лийме деч ожно,
мланде ден тўням пўрымө
деч ожно, курым гыч куры-
мышко Тый улат» (Пс.89,3).**
**«Мландым ыштыше Господь
Юмын курымаш улмыжым
але тый от пале, але колын
отыл ...» (Ис.40,28).**

Түняште мом ме ужына, чылажат кунам-гынат түнгалын, шочын, тыгак кунам-гынат пыта, кола але шалана, кажныжын түнгалтышыже да мучашыже уло. Шукерте ожно ны кава, ны мланде, ны жаплийын огыл. Тунам ик Юмо гына лийын, вет Тудын түнгалтышыже уке. А кушто түнгалтыш уке, тушто мучашат уке. Юмо курымаш, Тудо эре лийын да эре лиеш.

ЮМО ВАШТАЛТДЫМЕ.
«Чыла поро да тичмаш пӧлек кӱшычын, волгыдо-влакын Ачашт деч, вола, Тудын дене вашталтмашат, весемме ӱмылат уке» (Иак.1,17).
«Вет Мый Господь Юмо улам, Мый ом вашталт» (Мал.3,6).
Нине ой-влак Юмын эре

икгай улмыж нерген ойлат. Түняште мом ужына – чылажат вашталтеш. Вӱд йога, пыл-влак то иктыш чумыргат, то йомыт. Кушкыл ден чыла чонан-влак шочыт, кушкыт, шонгемыт да пытат. Айдеме денат тыгак лиеш. Түняште ик Юмо вашталтдыме, Тудо эре икгай, нимогай вашталтмашыжат уке: ок куш, ок шонгем, нигунам да нигузе ок вашталт. Могой лийын, кызытат тугаяк, курым-курымеш эре тыгаяк кодеш.

ЮМО ЧЫЛА КЕРТШЕ.
«Мый чыла кертше Юмо улам, Мыйым колыштын иле да шылталаш амалым ит пу» (Быт.17,1).
«Юмын ик мутшат ышталт кертдыме ок лий» (Лк.1,37).



Юмо чыла ыштен кертеш, Тудын ыштен кертдымыже нимат уке. Айдемылан материал, жап, вий да моштымаш күлеш. Юмылан ыштен кертдыме нимат уке. Тудо сандалыкым ышташ шонен да Шкенжын ик Шомакше дене тудым нимо уке гыч ыштен.

ЮМО ЧЫЛА ВЕРЕ УЛШО. **«Тыйын Шўлышет деч кушко каем да Тыйын чуриет ончыч кушко куржам? Пылпомышко күзем гын, Тый тушто улат; тамыкышке волем гын, Тый тушто улат» (Пс.138,7-12).** Юмо чыла жапыште чыла вере улеш. Тўняште тугай вер уке, кушто Юмо уке. Тудын деч нигө нигушко шылын ок керт.

ЮМО ЧЫЛА ПАЛА. **«Вет шўмна мемнам титаканыш луктеш гынат, Юмо шўмна деч кугу да чыла пала» (1 Ин.3,20).** **«Тўняште Юмо деч шылтыме нимо уке, Тудын шинча ончылныжо чылажат чара да койшо» (Евр. 4,13).** Юмо чыла ужеш, чыла колеш да чыла пала. Айдеме шуко пален кертеш, но чыла пален ок керт. Чыла, мо ончыч лийын да кызыт уло, умбакыже мо лиеш – тидым ик Юмо гына пала. Йўд ден кече коклаште Юмылан ойыртеме уке. Тудо кеч-могай жапыштат чыла ужеш да колеш. Мемнам кажныжым веле огыл, тыгак мом ыштымынам, ойлымынам, шонымынам пала.





Мемнан дене ончыч мо
лийын да ончыкыжым мо
лийшашым чыла пала.

ЮМО ЭН ПОРО. Иисус
тудлан ойлен: **«Молан тый
Мыйым поро манат? Юмо
деч моло нигö поро огыл»
(Мф, 19, 17).** Юмо эн сай
да эн поро. Ен-влак гын
чылаж годымак поро огы-
тыл. Айдеме чүчкыдынак
иктаж-көм ок йöрате. Юмо
гын мемнам чыланам йöра-
та да туге чот йöрата, кузе
ик айдемат йöратен ок керт.
Юмо мыланна илышым да
умылен моштышо чоным
пуэн. Тыгак Тудо йöратен
моштышо шүмым да илыш-

нам шуяш мо күлешым
чыла пуэн. Мыланна илаш
мланде, юж, вүд, волгыдо
да түрлө кочкыш уло, ача-а-
вана, иза-шольына, ака-шү-
жарна, родо-тукымна ден
йолташна-влак улыт. Го-
сподь ок пу гын, мемнан ни-
моат да нигöат ок лий ыле,
сандене Тудым ме Пылпо-
мышысо Ачана манына.

**ЮМО ЧЫЛА ШО-
ТЫШТАТ ЧЫН. «Юмо чын да
пенгыдын судитлыше, кужун
чытыше, а кече еда шыдеш-
тше огыл» (Пс.7,12). «Вет
Юмо чын, чыным йöрата.
Тудын чурийже чын ышты-
мым ужын шога» (Пс.10,7).**

Юмо эре чын, Тудо ег-влакым чын судитла. А ег-влак чўчкыдын шойыштыт да уда пашам ыштат. Кō шкенжым сайын куча да шуко порым ышта, тудым Юмо амал деч посна ок наказатле. Айдеме удам ышта гын, Юмо тудым наказатлыде ок кодо. Сулыкым касарымыже да поро пашам ыштымыж дене айдеме адак уэш Юмын корныш пōртыл кертеш.

ЮМО ЭРЕ КУМЫЛ НӨЛТШӨ. «Айдеме кид дене служитлымым Юмо ок йод, вет Тудлан нимоат огеш кўл. Тудо Шкеак чылалан ылышым, шўлышым да молымат пуа» (Ап. паш.17,25). Айдемылан эре иктаж-мо кўлеш, сандене тудо эре азапланна. А Юмын чыла уло, Тудо эре кумыл нōлтшō. Юмылан Шкаланже нимо огеш кўл, чылаштан мо кўлешым Тудо чыла Шке пуа.

ЮМО ПОРО ПИАЛАН. «Христосын толмыжым поро пиалан да куатле Юмо, кугыжаланыше-влакын Кугыжашт да озаланыше-влакын Озашт, шке жапыштыже ончыкта» (1 Тим.6, 15). Юмо эре кумыл нōлтшō гына огыл, Тудо Шкежак эн кугу куан, эн кугу

пиал. Ег-влак ылышыште тичмаш пиалым, тичмаш куаным нигушто да нигунам муын огыт керт. Чыла тидым Юмо дене муаш лиеш. Юмым ме Пўрышō але Илышым пуышо манына. Чыла ужмо да уждымо тўням Тудо ыштен. Тыгак Тудым ме эше Чыла кучен Ашныше Юмо да Кугыжа манына. Юмын эрыкше чыла ыштен кертеш. Мом пўрен, тудым чыла Шке вуйлатен шога да кугыжалана. Аминь.

